

Sastanak IKT Asocijacije i Agencije za zaštitu ličnih podataka u BiH

Dana 18.02.2021. godine u prostorijama Vanjskotrgovinske/Spoljnotrgovinske komore Bosne i Hercegovine održan je radni sastanak predstavnika IKT Asocijacije (Goran Lovrić – predsjednik, Danijel Sabljčić, Adnana Bajramović), predsjednik komore Vjekoslav Vuković, a ispred Agencije za zaštitu ličnih podataka u BiH Dragoljub Reljić -direktor, i Samira Čampara – pomoćnik direktora.

Sastanak je održan na inicijativu IKT Asocijacije Vanjskotrgovinske/Spoljnotrgovinske komore BiH u cilju upoznavanja sa postojećim Zakonom o zaštiti ličnih podataka u BiH i punoj provedbi Uredbe (EU) 2016/679 Europskog parlamenta i Vijeća od 27. aprila 2016. o zaštiti pojedinaca u vezi s obradom osobnih podataka i o slobodnom kretanju takvih podataka (GDPR EU) u Bosni i Hercegovini. Predsjednik Vanjskotrgovinske komore BiH kao i predstavnici IKT Asocijacije Vanjskotrgovinske komore BiH izrazili su punu podršku radu Agencije za zaštitu ličnih podataka BiH na pripremi ovog Zakona čije donošenje se očekuje u junu mjesecu. Primjena i usaglašavanje zakonodavnih rješenja u BiH sa zakonodavstvom EU bi u mnogome doprinjela poboljšanju privrednog ambijenta, kako za IKT industriju, tako i za sve ostale privredne grane i poslovni ambijent u cjelini. Puna primjena GDPR-a bi kao rezultat imalo da naši privrednici imaju isti zakonodavni okvir kao i u EU povećalo sigurnost i stvorilo preduslov za povoljniji privredni ambijent, a sve u cilju podsticanja investicija u razvoj privrede i otvaranje novih radnih mjesta.

Vanjskotrgovinska/Spoljnotrgovinska komora BiH BiH i predstavnici IKT Asocijacije su izrazili punu spremnost da pokrenu niz aktivnosti koje će za rezultat imati donošenje ovog Zakona, kao i punu tehničku, savjetodavnu i stručnu pomoć prilikom implementacije ovog zakona u bh privredi/gospodravstvu.

Novi Generalni propis o zaštiti podataka Europske unije (EU General Data Protection Regulation - GDPR) nazvan Opća uredba o zaštiti podataka je Uredba (EU) 2016/679 Europskog parlamenta i Vijeća od 27. aprila 2016. o zaštiti pojedinaca u vezi s obradom osobnih podataka i o slobodnom kretanju takvih podataka, te o stavljanju izvan snage Direktive 95/46/EC, se regulira zaštita podataka i privatnost osoba unutar Europske unije, a donosi i propise vezane za iznošenje podataka u treće zemlje.

Zaštite podataka je važna kako bi se podigla svijest javnosti o ovom značajnom pitanju koje predstavlja osnovu svakog demokratskog društva i bitnog aspekta ljudskih prava.

Predstavnici Agencije za zaštitu osobnih podataka BiH su pojasnili da je najvažniji cilj donošenje novog zakona o zaštiti ličnih podataka u BiH. Potpisivanjem Sporazuma o stabilizaciji i pridruživanju Bosna i Hercegovina je preuzela obavezu da zaštitu ličnih podataka uskladi s evropskim zakonodavstvom. To je uređeno 2006. godine, međutim u međuvremenu je Evropski parlament donio nove propise i poboljšao zaštitu ličnih podataka svih svojih građana i da je Bosna i Hercegovina u obavezi da to implementira.

Zakon se trenutno nalazi u Ministarstvu civilnih poslova BiH, a i na odlučivanje u Vijeće ministara BiH bi mogao ići možda već u februaru, a zatim u daljnju proceduru u Parlament.

Usaglašeno je i da se organizuje sastanak sa Agencijom za bankarstvo kako bi se podstakela aktivnost oko kontrole provođenja Zakona o zaštiti ličnih podataka kao i uspostavljanja saradnje između IKT Asocijacije i Agencije za bankarstvo.

Ukazano je na problematiku ne uvođenja digitalnog potpisa u sistem funkcionisanja BH društva što za posledicu ima usporavanje, kao i nemogućnost pokretanja mnogih poslovnih procesa u BiH.

